



elternkreis
kallnach/niederried

Petri-Heil *Jungfischer-Tag*

Am 21.4.18 heimer mit dä Jungfischer vo Ins ä super Nami dörfe verbringä, amenä wunderschönä Tag.

15 Ching vo Chaunach u fiiu anderi vom Jungfischerverein Ins, im Auter vo 6 – 12i si derbi gsi.

Zersch heimer ä super spannende Theorieteil vom Fritz Schwab (Jungfischer Presidänt) dörfe alose: vo Fischartä über Gsetz, bis zum Fisch usnä und filetierä. Nach derä lehrlichä Theorie, hei d Ching das Ganzä dörfe umsetze. Di strahlendä Gsichter, wo's het gheissä, dass sie jezä dörfe d' Fischerruetä zwäg machä!

Nachem Kontrollierä und Paratmache vo dr Ruetä, isch es ab as Wasser...


„Ilg ha einä!“, „Ilg ou!“, „heeee ig ha imfau o grad einä...“ - genau so het's öbä döhnt :-)
U so stouz, wie sie de aubes si gsi, we sie umä einä hei drann gha!

Aui zämä hei chlini Rotougfischä gfangä. Die brucht der Fischerverein Ins us Köder, we sie mit dä Jungfischer gö ga Nachtfischä.

Was haut o derzue ghört, isch öbe mau äs „AAAAAUTSCH, mini Finger!“, wäg dene spitzige Hägli. Oder das Knübbu mit däm Fadä oder schüsch äs Gliir vornä ar Ruetä. Ja auso üs Häufer isches nie längwilig worde! :-)

Äs isch ä super glungnigä Tag gsi u d Ching hei sehr fröid gha. No mau äs grosses Merci a Jungfischerverein Ins.

Stefanie Schaller



Witeri Föteli uf www.ekn.ch